



5. februar 2020

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

- 1) **Qanoq iliorluni nunatta illoqarfiit pingaarnersaanni nakorsiartarfik paaqqinnittarfillu inuttaqarniarnikkut aningaasatigullu siumut nalimmassarneqassanersoq Naalackersuisut ilisimasaqarfigaat?**
- 2) **Suleriaatsip ingerlanera imminullu kiffartuussisarneq pitsanngorsarniarlugit Naalackersuisut IT-mut aningaasaleeqqinnissaq soqutiginaruutippaat?**
- 3) **Naalackersuisut qaammarsaavigisinnaavaat nunatsinni inuit qassit privatimik peqqinnissamut sillimmaserneqarsimanersut?**
- 4) **Naalackersuisut allanik suliamut soqutiginaatilinnik paasissutissiisinnaanerlutik?**

(Inatsisartunut ilaasortaqaq Anna Wangenheim, Demokraatit)

**Tungavilersuut**

Nuummi innuttat amerliartorput. Nakorsiartarfik, DIS, piumasaqaatinut nutaanut avataaneersunit naleqqussarluni ineriartortuarpoq. Immikkuullarissumik pikkorissusilinnik sulisussanik inuttassarsiorniarneq sulii ajornakusoornartarpoq.

Nalungeriikkatsit Kalaallit Nunaanni nakorsanik peqqissaasunillu naammattunik atorfeqavissunik sulisoqarniarneq ajornartorsiuutigaa. Nunarsuarmi peqqinnissamut suliniaqatigiiffissuup (WHO) nalilerpaa 2030-imi nunarsuaq tamakkerlugu peqqissaasunik 9 milliuuninik amingaateqalissasugut. Danmarkimi peqqissaasunik aallerfigisartagatsinni ukiut arlaqanngitsut ingerlanerani peqqissaasut 6000-it amingaateqalissasut naatsorsorsuutigineqarpoq. Taamaammallu ineriartorneq ernumanarsoraara sukanerpaamillu avataanit sulisussarsiortarnissamik periarfissat misissorneqarnissaat aallarnisarneqarnissaat piumavara, saniatigullu suliniutinik aallarniinnikkut atorfilivittarnissamut pilerinarsarinissaq pisariaqarpoq, ilinniartullu peqqinnissaqarfimmi sulilernissaannut pilerisaarinikkut.

SHV-p neqeroorutai amerlineqarnissaat atorfinnut akuerisaareersunut sunniinissaa qularnanngilaq, tamannalu ersarissumik sinaakkutilerneqarsimangilaq, aamma aningaasatigut. SHV-mi sulisut ullumikkumit amerlanerusunik suliasaqalertussat sulisutut toqqissisimanagerat pitsanngorsarniarlugu, aammalu siumut takorluuisumik politikkikkut suliniartoqarnera innuttaasunut paasititsiniaaneq pitsanngorsarniarlugu oqallisigisinnaasariaqarparput.

Sineriammi suliffiit inuttaqartinneqanngitsut DIH-mut suliakkeeqqittarpoq, tamannalu unammillernartuullunilu pisinnaasamut atugassarititaasunullu artukkiisuulluni. Taamaammallu piviusut tungavigalugit sulinermi avatagiisit sulii ajornerusumut sangutinniannikkutsigit atugassarititaasut ataavartumik naleqqussarneqarnissaat pisariaqarlunnaarpoq.



Nunatsinni isorartoqisumi peqqinnissaqarfimmi neqeroorutit ineriartortinnerani aqqiissutit nutaaliaasut pisariaqarluinnarput. imminut kiffartuussinerunermik periarfissanik piorsaaneq innuttaasut nammineq peqqissusaannut/inuunerannut akisussaaffeqaqataanerannut nukittorsaaqataassaaq, aappaatigullu aamma saaffiginnittunik allaffissornikkut sullissinermi akunnernik atorneqartartunik ikilisaasuussalluni. Innuttaasunut imminut kiffartuussinermik periarfissanik eqqussinikkut allaffissornermut piffissaq atorneqartartoq millisinneqarsinnanngussaaq, aningaasarsianullu nalunaarutinut, sulisussarsionermilu suliniutinut aningaasartuutaasartut sipaaruteqarfigineqarsinnanngussapput.

Siornatigut uppersarneqarnikuuvoq peqqinnissaqarfimmi neqeroorutit pitsaanerit piumallugit innuttaasuni amerlasuut Danmarkimut nuttartut. Taamaammallu ajornartorsiutaasut ersarissarneqarnissaat pisariaqarpoq, skattimut akileraarutit qaffasissut, peqqinnissaqarfimmit neqeroorutaasunut piumasaqaatit aammalu innuttaasut qassit privatimik peqqinnissamut sillimmaserneqarsimanersut, (aralitsigut) neqeroorutininik atuisuunngitsut imminut oqimaaqatigiisinnissaat pingaaruteqarluinnarpoq.

Kissaatigaara apeqqutima ullut sulliviit naliginnaasut qulit iluanni akineqarnissaat.